

საქართველოს საცხენოსნო სპორტის ეროვნული ფედერაცია

ზოგადი წესები და რეგულაციები

2025



სარჩევი

1. ცხენის ზოგადი კეთილდღეობა	2
2. შეჯიბრისთვის მზაობა	2
3. ზოგადი წესები	3
4. ტურნირთა სახეობა, სტრუქტურა და წესები	3
5. სავარჯიშო, მოსათელი მოედანი/ საშეჯიბრო არენა/ დაბრკოლებები	4
6. შეჯიბრიდან მოხსნა	4
7. დისკვალიფიკაცია	6
8. დაჯილდოების ცერემონიალი	6
9. ცხენების რაოდენობა/ასაკი/	6
10. დრესკოდი/უსაფრთხოების ნორმები	7
11. ცხენის და მხედრის აღკაზმულობა	7
ბავშვების/მოზარდების შეჯიბრში მონაწილეობის ზოგადი წესები და რეგულაციები	9
1. ცხენის აღკაზმულობა	9

1. ცხენის ზოგადი კეთილდღეობა

1.1. **ცხენის კარგი მენეჯმენტი** - თავლა და კვება შესაბამისობაში უნდა იყოს ცხენის მოვლის თანამედროვე პრაქტიკებთან. ყოველთვის უნდა იყოს ხელმისაწვდომი სუფთა და კარგი ხარისხის თივა, საკვები და წყალი.

1.2. **წვრთნის მეთოდები** - ცხენებმა უნდა გაიარონ მხოლოდ ის წვრთნა, რომელიც შესაბამეა მათ ფიზიკურ შესაძლებლობებსა და მათი შესაბამისი დისციპლინებისთვის მზაობის დონეს. არ ძმეიდლება მათთან იმ მეთოდებ ი ს გამოყენება, რომლებიც ძალადობრივია ან მათში იწვევს შიშს.

1.3. **ცხენის ჭედვა და აღკაზმულობა** - ფლოქების მოვლა და ნალების ჭედვა უნდა იყოს მაღალი სტანდარტის. ნალები უნდა იყოს შექმნილი და აღჭურვილი ისე, რომ დაიცვას ცხენი ტკივილის ან დაზიანების რისკისგან.

1.4. **ტრანსპორტირება** - ტრანსპორტირების დროს ცხენები სრულად უნდა იყვნენ დაცული დაზიანებებისა და ჯანმრთელობის სხვა რისკებისგან. ცხენშიდი მანქანა უნდა იყოს უსაფრთხო, კარგად ვენტილირებადი, მაღალი სტანდარტით მოვლილი, გადიოდეს რეგულარულ დეზინფექციას. მას უნდა მართავდეს კომპეტენტური პერსონალი. კომპეტენტური დამხმარე ადამიანი ყოველთვის თან უნდა ახლდეს ცხენებს ტრანსპორტირებისას.

2. შეჯიბრისთვის მზაობა

2.1. **მზაობა და კომპეტენცია** - შეჯიბრში მონაწილეობა შესაძლებელი უნდა იყოს მხოლოდ იმ შემთხვევაში, თუ ცხენი და მხედარი აკმაყოფილებენ შესაბამის კომპეტენციას. ცხენებს უნდა მიეცეთ სათანადო დასვენებისთვის დრო ვარჯიშსა და შეჯიბრებებს შორის; დამატებითი დასვენებისთვის დრო უნდა იქნეს გამოყოფილი მოგზაურობის შემდეგაც.

2.2 **ჯანმრთელობის მდგომარეობა** - ცხენი, რომლის მზადყოფნაც ეჭვქვეშ დგას, არ შეიძლება მონაწილეობდეს ან მონაწილეობას აგრძელებდეს შეჯიბრში. ნებისმიერი ეჭვის შემთხვევაში უნდა მიმართოთ ვეტერინარს.

2.3 **ორსული / ახლახან ნამშობიარები ცხენები** - ცხენებს არ უნდა ჰქონდეთ შეჯიბრში მონაწილეობის უფლება ორსულობის მეოთხე თვის შემდეგ ან მემუბური კვიცის ყოლისას.

3. ზოგადი წესები

3.1. შეჯიბრის სახეობა - კონკური, იგივე - შეჯიბრი დაბრკოლებათა გადალახვაში - არის შეჯიბრი, რომლის დროსაც ცხენისა და სპორტსმენის კომბინაცია სხვადასხვა პირობებში დაბრკოლებების გადალახვაში გამოიცდება. ეს არის გამოცდა, სადაც ცხენის თავისუფლების, მისი ენერგიის, უნარის, სიჩქარისა და მორჩილების დემონსტრირება ხდება ხტომაში და ვლინდება სპორტსმენის უნარი მართოს ცხენი.

3.2. თუ სპორტსმენი დაუშვებს გარკვეულ შეცდომებს, როგორცაა: დაბრკოლების ჩამოგდება, უარის თქმა/გაჩერება ბარიერთან, დაშვებული დროის გადაჭარბება და ა.შ., სპორტსმენს დაეკისრება ჯარიმა. შეჯიბრის გამარჯვებულია ის სპორტსმენი, რომელიც მიიღებს ყველაზე ნაკლებ ჯარიმას, დაასრულებს მარშრუტს ყველაზე სწრაფად ან დააგროვებს ყველაზე მეტ ქულას, შეჯიბრის ტიპის მიხედვით.

4. ტურნირთა სახეობა, სტრუქტურა და წესები

თითოეული ღონისძიება შედგება სამი სხვადასხვა დონის ტურისგან: ოქროს, ვერცხლის და ბრინჯაოს ტური.

ოქროს ტური (ბარიერების სიმაღლე 125-145 სმ):

- 4.1. ოქროს ტურში მხედარს შეუძლია მონაწილეობა არაუმეტეს სამი ცხენისა;
- 4.2. ოქროს ტურის მონაწილე ნებისმიერი ცხენი ვალდებულია ვერცხლის ტურში დააფიქსიროს მინიმუმ 1 სუფთა რაუნდი;
- 4.3. ოქროს ტურის მონაწილე ნებისმიერი ცხენი უნდა იყოს მინიმუმ 7 წლის.

ვერცხლის ტური (ბარიერების სიმაღლე 110-125 სმ):

- 4.4. მხედარს შეუძლია მონაწილეობის მიღება არაუმეტეს სამი ცხენისა;
- 4.5. ვერცხლის ტურის მონაწილე ნებისმიერი ცხენი ვალდებულია მინიმუმ 1 სუფთა რაუნდი დააფიქსიროს ბრინჯაოს ტურში;
- 4.6. ვერცხლის ტურის მონაწილე ნებისმიერი ცხენი უნდა იყოს მინიმუმ 5 წლის.

ბრინჯაოს ტური (ბარიერების სიმაღლე 70- 105 სმ):

- 4.7. მხედარს შეუძლია მონაწილეობის მიღება არაუმეტეს სამი ცხენისა

5. სავარჯიშო, მოსათელი მოედანი/ საშეჯიბრო არენა/ დაბრკოლებები

5.1. სავარჯიშო ბარიერები:

- 5.1.1. იმ ბარიერის გამოყენება, რომელიც არაა საორგანიზაციო კომიტეტის მიერ დაშვებული, ექვემდებარება ჯარიმას ან დისკვალიფიკაციას.
- 5.1.2. სავარჯიშო დაბრკოლებებზე გადახტომა მხოლოდ იმ მიმართულებით შეიძლება, საიდანაც ისინი მონიშნულია.
- 5.1.3. სავარჯიშო დაბრკოლებების არცერთი ნაწილი არ შეიძლება ფიზიკურად დაიჭიროს ვინმემ.
- 5.1.4. მიწაზე შეიძლება განთავსდეს ძელი არაუმეტეს 1 მეტრის დაშორებით გადასახტომი ბარიერის წინა ნაწილისგან.
- 5.1.5. თუ ორმაგი ბარიერია კავალეტის დამიწების მხრიდან განთავსება დაუშვებელია.
- 5.1.6. ნებისმიერი დაბრკოლება, რომელიც არის 130-სმ ან მეტი სიმაღლის, აუცილებლად უნდა შედგებოდეს მინიმუმ ორი ძელისგან, იმ მხრიდან საიდანაც ხტება ცხენი, მიუხედავად იმისა, მიწაზე არის თუ არა განთავსებული დამატებით კიდევ ძელი.
- 5.1.7. თუ ძელები გადაჯვარედინებულია გადასახტომ ბარიერზე, სავალდებულოა რომ დაზიანების შემთხვევაში, სხვადასხვა მხარეს ვარდებოდეს და X გვერდები მინიმუმ 20 სმ-ით მაღალი უნდა იყოს ვიდრე მისი ცენტრი.
- 5.1.8. ბარიერის ზედა ძელის ორივე მხარე აუცილებლად უნდა იყოს მოთავსებული დამჭერებში. თუ ძელი დამჭერის კიდეზეა ჩამოდებული, ის შორეულ კიდეზე უნდა იყოს და არასდროს უახლოეს კიდეზე.
- 5.1.9. იმ შეჯიბრზე, სადაც ბარიერების სიმაღლე არის 140 სმ-მდე ან ნაკლები, მოსათელი ბარიერების სიმაღლემ და სიგანემ 10 სმ-ზე მეტით არ უნდა გადააჭარბოს საშეჯიბრო ბარიერების სიმაღლეს. თუ შეჯიბრის დაბრკოლების სიმაღლე 1.40 მეტრზე მეტია, სავარჯიშო არენაზე დაბრკოლებების სიმაღლე არ უნდა აღემატებოდეს 1.65 მეტრს და სიგანეს 1.80 მეტრს.

6. შეჯიბრიდან მოხსნა

- 6.1. თუკი წესებსა თუ შეჯიბრის პირობებში სხვა რამ არაა მითითებული, შეჯიბრიდან მოხსნა ნიშნავს, რომ მხედარს და ცხენს აღარ ეძლევათ უფლება გააგრძელონ ასპარეზობა შეჯიბრში.
- 6.2. მხედარს, რომელიც იხსნება შეჯიბრიდან, უფლება აქვს მოხსნის შემდეგ გადაახტეს მოცემული შეჯიბრის კურსის ფარგლებში ერთ დაბრკოლებას, თუმცაღა ცხენიდან ჩამოვარდნის შემთხვევაში ეს უფლება არ მოქმედებს.
- 6.3. ქვემოთ მოცემულია მიზეზები, რის გამოც შესაძლოა მხედარი გამოეთიშოს შეჯიბრებას:

- 6.3.1. მხედარი ეთიშება შეჯიბრს, თუკი გადაახტება ან ექნება გადახტომის მცდელობა ბარიერს რაუნდის დაწყებამდე, სტარტის სიგნალის დაწყებამდე კურსის პირველი დაბრკოლების გადახტომის შემთხვევაში.
- 6.3.2. რაუნდის დაწყებამდე პირველი დაბრკოლების გადასალახავად 45 წამზე მეტი დროის დახარჯვა, გარდა ყველა იმ შემთხვევისა, რომელიც მხედრისგან დამოუკიდებელ გარემოებას წარმოადგენენ.
- 6.3.3. თუ ცხენი წინააღმდეგობას უწევს მხედარს 45 წამის განმავლობაში მოედანზე ყოფნისას ან მარშრუტის მსვლელობის დროს.
- 6.3.4. თუ მხედარი გადალახავს პირველ დაბრკოლებას ისე, რომ არ გადაკვეთს სტარტის ხაზს.
- 6.3.5. თუ მხედარი გამოტოვებს სავალდებულო მოსახვევს ან გადაუხვევს მოცემულ სავალდებულო ხაზს მარშრუტის მსვლელობისას.
- 6.3.6. მოედანზე არსებული ბარიერის გადალახვა, რომელიც არ არის მოცემული კონკრეტული შეჯიბრის მარშრუტში.
- 6.3.7. მარშრუტის მსვლელობის დროს ბარიერის შემთხვევით, ან ცხენის დაუმორჩილებლობის შედეგად გამოტოვების შემთხვევაში მეორე მცდელობის დროს დაუმორჩილებლობის შემთხვევაში.
- 6.3.8. არასწორი თანმიმდევრობით დაბრკოლების გადალახვის შემთხვევაში.
- 6.3.9. დაბრკოლების არასწორი მიმართულებით გადალახვის შემთხვევაში.
- 6.3.10. მოცემული დროის გადაჭარბების შემთხვევაში.
- 6.3.11. ცხენის დაუმორჩილებლობის შედეგად დაზიანებული დაბრკოლებიდ გადახტომის შემთხვევაში, მანამ სანამ მოხდება მისი აღდგენა.
- 6.3.12. დაბრკოლების გადალახვა პაუზის შემდგომ მანამ, სანამ მოხდება ზარის დარეკვა.
- 6.3.13. დაუმორჩილებლობის შემთხვევაში თუ მხედარი სისტემურ ბარიერს არ გადალახავს ხელახლა მთლიანად.
- 6.3.14. თუ მარშრუტის დასრულების შემდგომ მხედარი არ გადალახავს ფინიშის ხაზს და ისე დატოვებს მოედანს.
- 6.3.15. თუ ცხენი დამოუკიდებლად, მხედრის გარეშე დატოვებს მოედანს მარშრუტის დასრულებამდე ან თუნდაც სტარტის აღებამდე.
- 6.3.16. თუ მხედარი ან ცხენი წაიქცევა (ფინიშის ხაზის გადაკვეთის შემდეგ არ ითვლება როგორც მოხსნა).
- 6.3.17. თუ ნებისმიერი მიზეზის გამო ჟიურის წევრები ჩათვლიან საჭიროდ, რომ მოხსნან მხედარი და ცხენი შეჯიბრებიდან მათი უსაფრთხოების დაცვის მიზნით.
- 6.3.18. თუ მხედარს რაიმე ელექტრონული, საკომუნიკაციო მოწყობილობა უკეთია შეჯიბრის მსვლელობის დროს.
- 6.3.19. სისხლი ცხენის სხეულზე.
- 6.3.20. სისხლი ცხენის ტუჩებზე (გამონაკლისი შემთხვევების, თუ ცხენი შემთხვევით იკბენს ენაზე ან ტუჩზე).
- 6.3.21. მარშრუტის მსვლელობის დროს ნებისმიერ დროს მსაჯს აქვს უფლება დარეკოს ზარი და გამოთიშოს მხედარი ასპარეზობას თუ კი გადაწყვეტს, რომ ცხენის ან მხედრის კეთილდღეობა საფრთხის ქვეშაა. ასეთი გამოთიშვის გადაწყვეტილება არ ექვემდებარება გასაჩივრებას.
- 6.3.22. თუ მხედარი დატოვებს მოედანს უცხენოდ, მხოლოდ ფინიშის ხაზის გადაკვეთის შემდგომ შეუძლია გამოვიდეს მოედნიდან ფეხით ისე, რომ არ გამოეთიშოს ასპარეზობას.

6.3.23. თუ არ გაჩერდება ზარის დარეკვის შემდგომ და მაინც გადალახავს დაბრკოლებას.

7. დისკვალიფიკაცია

7.1. დისკვალიფიკაცია ნიშნავს მხედრის და ცხენის მთლიანი ღონისძიებიდან გამოთიშვას. დისკვალიფიკაცია შესაძლოა ასევე იყოს რეტროსპექტული.

7.2. თუ მხედარი მოედანზე შევა არაცხენზე ამხედრებული შეჯიბრის მსვლელობის დროს.

7.3. ცხენთან სასტიკი მოპყრობის ნებისმიერი გამოვლინების შემთხვევაში.

7.4. დისკვალიფიკაცია სავალდებულოა თუ ცხენს ტანზე აღენიშნება ხლისტის უხეშად გამოყენების ნიშნები ან დეზებისგან აქვს დაზიანებული კანი.

7.5. ხლისტი არ უნდა გამოიყენოს მხედარმა თავისი ხასიათის გამოსახატავად, ასეთი გამოყენება ყოველთვის ჩაითვლება მეტისმეტად.

7.6. ცხენისთვის თავში ხლისტის დარტყმა ყოველთვის ჩაითვლება მეტისმეტად .

7.7. არ შეიძლება ზედიზედ სამზე მეტჯერ გამოიყენოს მხედარმა ხლისტი, თუ ცხენს კანი დაუზიანდება, ასეთი გამოყენება ყოველთვის ჩაითვლება მეტისმეტად.

7.8. ხლისტის გამოყენება დისკვალიფიკაციის შემდგომ არ შეიძლება.

8. დაჯილდოების ცერემონიალი

8.1. დაჯილდოების ცერემონიაზე სავალდებულოა მხედარი წარდგეს საშეჯიბრო ტანსაცმლითა და რედინგოდით.

8.2. თუ მხედარი დამატებით ხტომებში მონაწილეობაზე იტყვის უარს, მას მოგებული საპრიზო თანხა მაინც გადაეცემა, ადგილისდა შესაბამისად.

8.3. თუ მხედარი ჟიურის წევრს წინასწარ არ გააფრთხილებს, რომ ვერ მიიღებს მონაწილეობას დაჯილდოების ცერემონიაზე საპატიო მიზეზისდა გამო, მას არ გადაეცემა მოგებული საპრიზო თანხა.

9. ცხენების რაოდენობა/ასაკი/

9.1. თითო შეჯიბრის (ოქრო/ვერსხლი/ბრინჯაო) ფარგლებში მხედარს შეუძლია გამოიყვანოს სამი ცხენი, რაც ნიშნავს, რომ ჯამში მხედარს თითო ღონისძიებაზე შეუძლია ყავდეს 9 ცხენი.




10. დრესკოდი/უსაფრთხოების ნორმები

- 10.1. მხედარი ვალდებულია, რომ მაყურებლის წინაშე წარსდგეს შესაბამისი დრესკოდით.
- 10.2. ცუდი ამინდის შემთხვევაში ჟიურის აქვს უფლება, რომ მხედარს ნება დართოს, ჩაიცვას ქურთუკი ან საწვიმარი. ისევე როგორც ცხელი ამინდის შემთხვევაში, უფლება აქვს არ ჩაიცვას რედინგოდი.
- 10.3. დეზები, რომელსაც აქვს კბილანები ან ბასრი დისკი არ დაიშვება არსად შეჯიბრის მსვლელობის დროს.
- 10.4. მხედარს აქვს უფლება ეჭიროს მხელოდ ერთი ხლისტი.
- 10.5. ნებისმიერი შეჯიბრის დაწყების წინ, მხედარი ვალდებულია მიესალმოს ჟიურის წევრებს. იმ შემთხვევაში თუ მხედარი მისალმების გარეშე დაიწყებს შეჯიბრებას, ჟიურის აქვს უფლება იგი მოხსნან შეჯიბრიდან.

11. ცხენის და მხედრის აღკაზმულობა

- 11.1. საშეჯიბრო მოედანზე ნებისმიერი ნიღაბი, რომელიც თვალებზე ეფარება ცხენს აკრძალულია.
- 11.2. 11.2. აღვირზე ნებისმიერ ადგილას ბეწვი ან მისი შემცვლელი მატერია დასაშვებია არაუმეტეს 3სმ დიამეტრის მქონე.
- 11.3. მარტინგალს არ უნდა ჰქონდეს ერთზე მეტი ტოტის დამჭერი.
- 11.4. არ არის არანაირი აკრძალვა ცხვირის დამჭერების და ტრენზელების გამოყენებისას, თუმცა ცხვირის დამჭერი არ უნდა იყოს ზომაზე მეტად მოჭერილი (სპეციალური საზომი უნდა ეტეოდეს თავისუფლად);
- 11.5. ზემოთ ჩამოთვლილთაგან რომელიმეს დარღვევის შემთხვევაში მხედარი იქნება მოხსნილი ტურნირიდან.
- 11.6. ფეხის დამცავის შიდა ზედაპირი უნდა იყოს რბილი, ერთგვაროვანი, რომ არ გამოიწვიოს ცხენის კანის დაზიანება, დაუშვებელია შიდა მხარეს რაიმეს დამაგრება.
- 11.7. ცხვირის ან ხელოვნური ბეწვი დასაშვებია.
- 11.8. იხილეთ ცხრილი, თუ როგორი შესაკრავებია დასაშვები.

-

<ul style="list-style-type: none"> - Velcro ტიპის შესაკრავები: - თითოეულ თასმას უნდა ჰქონდეს: - Velcro ან Velcro ტიპის შესაკრავის სისტემა - მინიმუმ 2.5 სმ სიგანე, თუ ორი თასმაა ან - მინიმუმ 5 სმ სიგანე, თუ მხოლოდ ერთი თასმაა - ჩექმებისთვის, რომელთა დამცავი ელემენტი მხოლოდ საკეტის შიდა მხარესაა, თასმები შეიძლება იყოს ელასტიური ან არაელასტიური - ორმაგი კორპუსიანი ჩექმებისთვის, თასმები უნდა იყოს ელასტიური 	<ul style="list-style-type: none"> -  -
<ul style="list-style-type: none"> - საკინძების ტიპის შესაკრავები: - თითოეული თასმა უნდა: - დამზადდეს ელასტიური მასალისგან - მინიმუმ 2.5 სმ სიგანე უნდა ჰქონდეს - უნდა ჰქონდეს ნახვრეტები, რომლებიც ცხენის ფეხის დამცავის საკინძს მოერგება 	<ul style="list-style-type: none"> -  -
<ul style="list-style-type: none"> - კაუჩის ტიპის შესაკრავები: - თითოეული თასმა უნდა: - დამზადდეს ელასტიური მასალისგან - მინიმუმ 2.5 სმ სიგანის იყოს - ბოლოში ჰქონდეს კაუჩი, რომელიც ჩექმის „ლილაკში“ ჯდება 	<ul style="list-style-type: none"> -  -

ბავშვების/მოზარდების შეჯიბრში მონაწილეობის ზოგადი წესები და რეგულაციები

1. ცხენის აღკაზმულობა

1.1 ორმაგი აღვირის გამოყენება აკრძალულია. ტრენზელის მინიმალური სისქე უნდა იყოს 10მმ.

1.2. მავთულის, ორმაგი მავთულის ან ჯაჭვის ტრენზელის გამოყენება აკრძალულია.

1.3. ნებადართულია ნებისმიერი ტრენზელი, რომელიც გამოიყენება რბილი კონტაქტისთვის: მომრგვალებული ტრენზელი, უმნიშვნელოდ დატრიალებული ტრენზელი.

1.4. ტრენზელის გვერდების სიგრძე არ უნდა აღმატებოდეს 15სმ-ს.

1.5. პილამოს გამოყენების შემთხვევაში დასაშვებია მხოლოდ 1 ტოტის ხმარება, დასაშვებია გადამყვანის გამოყენება ან ტოტი პირდაპირ ტრენზელზე უნდა იყოს დამაგრებული.

1.6. პესოას ტრენზელი: მხოლოდ რბილი ზედაპირით (არა დატრიალებული) არის დასაშვები. მაქსიმუმ 4 როლით (იმ რგოლის ჩათვლით, რომელითაც მაგრდება აღვირზე) შესაძლებელია ორი ტოტის, გადამყვანის ან ერთი ტოტის გამოყენება.


1.7. ჰაკამორი: ცხვირის დამჭერი უნდა იყოს ბრტყელი და დამზადებული სწორი ერთგვაროვანი ზედაპირის მქონე. დამარბილებელი ან ბეწვის გამოყენება შესაძლებელია. გვერდები არ უნდა აღმატებოდეს 17სმ-ს.

1.8. აკრძალულია ჰაკამორის და ტრენზელის ერთად გამოყენება.


1.9. ცხვირის დამჭერი სავალდებულოა, რომ იყოს ბრტყელი. ტყავის გარდა სხვა მასალისგან დამზადებული ცხვირის დამჭერის გამოყენება აკრძალულია. ბეწვის, დამარბილებლების გამოყენება დასაშვებია.

1.10 დასაშვები ცხვირის დამჭერები:

ჩამოშვებული ცხვირის რგოლი Cavesson-ის ცხვირის რგოლი



გადაჯვარედინებული ცხვირის დამჭერი



- 1.11. ცხვირის დამჭერი ცხენს სუნთქვაში არ უნდა უშლიდეს ხელს.
- 1.12. უსაფრთხოების მიზნით უზანგი და უზანგის დამჭერი ტყავი უნდა იყოს დამოუკიდებელად. არ უნდა იყოს რაიმე სახის უნაგირზე მიმაგრებული.
- 1.13. ენის დამჭერის გამოყენება აკრძალულია.
- 1.14. საშეჯიბრო მოედანზე ნებისმიერი ნილაბი რომელიც თვალებზე ეფარება ცხენს აკრძალულია
- 1.15. დამხმარე ტოტები აკრძალულია საშეჯიბრო მოედანზე, მხოლოდ დაჯილდოვების ცერემონიის დროს შესაძლოა მათი გამოყენება.
- 1.16. დაუმორჩილებლობის შემთხვევაში მხედარი მოხსნილი იქნება ღონისძიებიდან.
- 1.17. ჟიურის აქვს უფლება, ცხენის კეთილდღეობისთვის აკრძალოს კონკრეტული ტრენჯელის ან დეზების გამოყენება, თუ არის ცხოველის დაზიანების რისკი.
- 1.18. სტუარტი ვალდებულია შეამოწმოს სათითაოდ ყველა ცხენი და მხედარი მანამ, სანამ ისინი შევლენ საშეჯიბრო მოედანზე.
- 1.19. ნებისმიერი მონაწილე იღებს, რომელიც არის 18 წლის ქვემოთ ეკრძალება მონაწილეობა დამცავი ჟილეტის გარეშე.